

ՀԱՇՎԵՏՎՈՒԹՅՈՒՆ

Սերգեյ Ավետիսյանի՝ 2017 թ. սեպտեմբերի 14-16-ը Գերմանիայի Դաշնային
Հանրապետություն գործուղման արդյունքների մասին

1. Գործուղվողը՝

Սերգեյ Ավետիսյան

2. Զբաղեցրած պաշտոնը՝

Հայաստանի Հանրապետության կառավարությանն առընթեր քաղաքացիական
ավիացիայի գլխավոր վարչության (այսուհետ՝ Գլխավոր վարչություն) պետ

3. Գործուղման վայրը և ժամկետները՝

Համբուրգ, 2017 թ. սեպտեմբերի 14-16-ը

4. Հրավիրող կողմը՝

Ռոնալդ Շուլց, «Լյուֆթհանզա Գրուպ» ընկերության Արևելյան Եվրոպայի և ԱՊՀ
երկրների հարցերով գլխավոր տնօրեն

5. Գործուղման նպատակը՝

«Լյուֆթհանզա Տեխնիքս» ընկերության կողմից ՀՀ-ում օդանավերի օպերատիվ և
պարբերական տեխնիկական սպասարկման կայանի ստեղծման հնարավորությունների
քննարկում:

6. Հանդիպումները, ելույթները, քննարկված հարցերը՝

Գլխավոր վարչության պետ Սերգեյ Ավետիսյանը հանդիպեց «Լյուֆթհանզա
Գրուպ» ընկերության Արևելյան Եվրոպայի և ԱՊՀ երկրների հարցերով գլխավոր
տնօրեն՝ Ռոնալդ Շուլցի հետ, որի առաջարկով տեղի ունեցավ այցելություն ընկերության
Համբուրգում տեղակայված արտադրամասերը, որտեղ ներկայացվեցին իրականացվող
աշխատանքները, պատասխաններ տրվեցին հայկական կողմի մի շարք մասնագիտա-
կան հարցերին: Այնուհետև տեղի ունեցավ ընդլայնված հանդիպում «Լյուֆթհանզա
Տեխնիքս» ընկերության Արևելյան Եվրոպայի և ԱՊՀ երկրների հարցերով փոխնախա-
գահ՝ Դմիտրի Զայցևի մասնակցությամբ, որի ընթացքում հայկական կողմը ներկայա-
ցրեց ՀՀ քաղաքացիական ավիացիայում ներկա դրական դինամիկական և գերմանական
ընկերության հետ համագործակցության հեռանկարները՝ հաշվի առնելով օդային փոխա-
դրումների ծավալների զգալի աճը, Եվրասիական տնտեսական միությանը ՀՀ անդամա-
կցության հետ կապված բարեփոխումները և տարածաշրջանում «Լյուֆթհանզա Տեխն-
իքս» ընկերության հետ համեմատելի այլ խոշոր տեխնիկական սպասարկման կազմա-
կերպությունների բացակայությունը: Դմիտրի Զայցևը իր հերթին ներկայացրեց «Լյուֆթ-
հանզա Տեխնիքս» ընկերության կողմից իրականացվող գործունեությունը՝ այդ թվում նաև
ընկերության օտարերկրյա պետություններում գտնվող արտադրական հզորությունները:

Քննարկվեցին նշված ընկերության կողմից Հայաստանի Հանրապետությունում գործունեության ծավալման հնարավորությունների վերաբերյալ մի շարք հարցեր:

Հանդիպման ավարտին պայմանավորվածություն ձեռք բերվեց շարունակելու համագործակցությունը «Լյուֆթհանզա Տեխնիքս» ընկերության և Գլխավոր վարչության միջև: Սերգեյ Ավետիսյանը հայտնեց գերմանական կողմին ցանկացած անհրաժեշտ աջակցության տրամադրման Գլխավոր վարչության պատրաստակամության մասին: